

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-140/26
Vareš, 01.06. 2026. godine

Z A P I S N I K
sa 15. sjednice Općinskog vijeća Vareš,
održane 28. 04. 2026. godine

Predsjedavajući OV Igor Šimić pozdravio je sve prisutne.

Prisutni vijećnici: Andrej Malbašić, Amela Mešić, Asim Balta, Asmir Čizmo, Dario Dodik, Denis Kovačević, Dino Ahmedović, Dževad Mahmutović, Edin Ibrišimović, Igor Hinger, Igor Šimić, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić

Odsutni: Nema.

Predsjedavajući OV konstatira da Vijeće može raditi jer ima kvorum za rad sjednice.

Predsjedavajući OV otvorio je 15. sjednicu s početkom u 12.00 sati u velikoj sali Općine Vareš.

Pored vijećnika sjednici prisustvuju: Malik Rizvanović, općinski načelnik; Mersad Đido, sekretar OV; Ermin Musa, pomoćnik načelnika; Ibrahim Spahić, pomoćnik načelnika; Mervana Hajrić, pomoćnik načelnika; Stela Terzić, šef Odsjeka za finansije i trezor; Velida Džafo, sanitarni inspektor; Dragan Orozović, ispred Službe za privredu, finansije i trezor; Zafer Kamenjaš, direktor JKP d.o.o. Vareš i predstavnici medija.

Mersad Đido, sekretar OV izvijestio je prisutne da je na 14. sjednici OV održanoj 02.04. 2026. godine, Vijeće donijelo pet (5) zaključka, jedan (1) zaključak je djelomično realizovan, tri (3) zaključka su u toku realizacije i jedan (1) zaključak je realizovan. Postavljeno je sedam (7) vijećničkih pitanja, na jedno (1) pitanje se čeka odgovor od nadležnih institucija, na šest (6) pitanja dat je odgovor pisanim putem.

Malik Rizvanović općinski načelnik pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Nije bilo izjašnjavanja.

(Vijećnička pitanja i Inicijative)

Dario Dodik

1. Zbog čega nisu realizirani projekti na regionalnom putu R444-a? Jedan od projekata je dio puta Vareš–Pogor, odobren u 2025. godini u iznosu od cca 500.000,00 KM. Drugi projekat za koji su sredstva odobrena u 2024. godini na istom regionalnom putu je nastavak asfaltiranja od Ponora prema Kopjarima i isti do danas nije realiziran. Pitanje upućeno Općinskom načelniku i Vladi ZDK.
2. Traži da se Vijeće izjasni da li su za to da Vlada može samoinicijativno produžavati koncesione ugovore ukoliko koncesionar nije ispoštovao odredbe (vezano za rokove iz ugovora o koncesiji). Pitanje je u vezi Inicijative koju je podnio a koja se odnosi na koncesiju Šaški Do.

Nermin Hvat

3. Kada izvođači kreću sa radovima na sportskom terenu u mjesnoj zajednici Budoželje? U kojoj je fazi sportsko igralište ispod Osnovne škole u Vareš Majdanu?

Šaban Ibrišimović

4. „Hoću da vjerujem, da su stečeni svi preduslovi za izradu dodatne procjene ugroženosti ljudi i pokretnih i nepokretnih materijalnih dobara u naselju Kolakovići u mjesnoj zajednici Dragovići od hazarda poplave. Kada će se konačno pristupiti izradi ovog vrlo važnog dokumenta u cilju adekvatne zaštite i prevencije ljudi i materijalnih dobara na ovom području?“

Andrej Malbašić

5. Pitanje je vezano za Informaciju koju je Vijeće razmatralo na prethodnoj sjednici Općinskog vijeća, a odnosi se na deponiju koja se nalazi na privatnom posjedu, na što se komunalno-građevinski inspektor izjasnio kao nenadležan. Traži informaciju šta je urađeno po tom pitanju?

Igor Šimić

6. Da li postoji mogućnost da vratimo saobraćajni znak sa prvenstvom prolaza na regionalnom putu gdje se skreće za Stricu i Zaruđe, kod tunela?
7. „Odnosi se na plato pijace. U ljetnim danima, sada od 01.05. kreće zabrana parkiranja i prometovanja vozila na toj dionici. Međutim, nije tako, djeca i ostala populacija nemaju tu sigurnost iako ima zabrana. Ja bih zamolio Općinskog načelnika da se u neko dogledno vrijeme postavi rampa ili čunjevi da se poslije 17 h to uredno zatvori za sva vozila? Sve zbog sigurnosti djece i naših građana.“

Inicijative

1. „Zamolio bih kolege vijećnike da finansijski pomognemo putem paušala od sjednica OV, da tri djevojčice iz Karate kluba Vareš odu na Europsko prvenstvo, koje se održava u Rumuniji. One će ipak da predstavljaju našu općinu i naš grad. A nemaju finansijsku mogućnost za isto.“ **(Inicijativa podnesena usmenim putem)**

Predsjedavajući OV stavio je na raspravu Zapisnik sa 14. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 14. sjednice OV i nakon izjašnjavanja vijećnika konstatuje da je **sa 18 glasova „ZA“** (odsutan vijećnik Zdravko Barkić) **usvojen Zapisnik sa 14. sjednice OV.**

Predsjedavajući OV stavio je na raspravu prijedlog dnevnog reda 15. sjednice OV koji je usaglašen na Kolegiju Općinskog vijeća.

Općinski načelnik Malik Rizvanović uz pojašnjenje predložio je dopunu dnevnog reda sa tačkom „*Prijedlog Rješenja o imenovanju vršioca dužnosti člana Skupštine JP „Vareš-stan“ d.o.o. Vareš*“.

Predsjedavajući OV stavio je na izjašnjavanje prijedlog za dopunu dnevnog reda i nakon izjašnjavanja vijećnika konstatuje da je **sa 18 glasova „ZA“** (odsutan vijećnik Zdravko Barkić) **usvojen prijedlog.**

Nije više bilo učesnika i predsjedavajući OV stavio je na izjašnjavanje prijedlog dnevnog reda **15. sjednice OV** sa prihvaćenom dopunom i nakon izjašnjavanja vijećnika konstatuje da je **sa 18 glasova „ZA“** (odsutan vijećnik Zdravko Barkić) **usvojen sljedeći**

D n e v n i r e d

1. Informacija o poduzetim aktivnostima u vezi povećane koncentracije olova u krvi stanovništva općine Vareš.
Izvestilac: Velida Džafo.
2. Periodični izvještaj/izvješće o stanju duga Općine Vareš za razdoblje januar/siječanj – mart/ožujak 2026. godine.
Izvestilac: Općinski načelnik.
3. Izvještaj/Izvješće o izvršenju Budžeta/Proračuna Općine Vareš za period 01. 01. 2026.–31. 03. 2026. godine (Pregled prihoda, primitaka i finansiranja po ekonomskim kategorijama).
Izvestilac: Općinski načelnik.
4. Prijedlog Rješenja o imenovanju vršioca dužnosti člana Skupštine Javnog preduzeća „Vareš-stan“ d.o.o. Vareš.
Izvestilac: Općinski načelnik.
5. Prijedlog Odluke o otpisu potraživanja.
Izvestilac: Stela Terzić.
6. Prijedlog Odluke o otpisu obaveza.
Izvestilac: Stela Terzić.
7. Prijedlog Odluke o načinu i uslovima raspolaganja nekretninama u vlasništvu Općine Vareš.
Izvestilac: Ermin Musa.

8. Prijedlog Odluke o komunalnim taksama.
Izjestilac: Salih Memić.
9. Program poticaja u poljoprivrednoj proizvodnji utvrđenih Budžetom Općine Vareš za 2026. godinu.
Izjestilac: Dragan Orozović.
10. Izvještaj o radu i poslovanju JKP d.o.o. Vareš za 2025. godinu.
Izjestilac: Direktor JKP.
11. Informacija o ostvarenoj saradnji i realizovanim projektima NVO sektora s područja općine Vareš s posebnim osvrtom na rad udruženja iz oblasti kulture i sporta.
Izjestilac: Mervana Hajrić.
12. Tekuća pitanja.

Ad.1.

(Informacija o poduzetim aktivnostima u vezi povećane koncentracije olova u krvi stanovništva općine Vareš)

Velida Džafo sanitarni inspektor u svom obraćanju upoznala je prisutne da su u Informaciji predstavljeni rezultati koji su dobiveni shodno Akcionom planu o zdravstvenoj zaštiti stanovništva po smjernicama od Instituta za zdravlje i sigurnost hrane Zenica. Na web stranici Općine Vareš objavljen je Izvještaj svih dobivenih rezultata o testiranju krvi, vode, hrane, poljoprivrednih kultura sa navedenom lokacijom uzorkovanja i vrijednostima. Izvještaj će biti prosljeđen svim nadležnim na postupanje.

Otvorena je rasprava u kojoj su učestvovali vijećnici: Dario Dodik (*uz pojašnjenje traži da se izvrši testiranje stanovništva koje žive pored kontaminiranog zemljišta i da se nastavi sa testiranjem drugih parcela, da se refundiraju sredstva građanima koji su o ličnom trošku radili analize krvi, predložio je da se uputi dopis Vladi FBiH da u multidisciplinarni tim uključe eksperte iz europske unije ako za to postoji potreba i da JU Dom zdravlja Vareš obezbijedi kadar koji će biti sposoban da tumači nalaze i pruže ljudima adekvatnu pomoć i da osiguraju sva materijalno-tehnička sredstva da se nalazi mogu raditi u Domu zdravlja Vareš*), predsjedavajući OV Igor Šimić (*izjavio je da građani koji su imali troškove liječenja zbog povećanih vrijednosti olova u krvi preko predsjednika mjesnih zajednica mogu zatražiti refundiranje troškova uz priložene fiskalne račune – ovu informaciju potrebno je objaviti na web stranici Općine i na radio Bobovcu*), Igor Hinger (*skrenuo je pažnju na obećanje kompanije DPMetals da će svakodnevno vršiti pranje ulica, uz pojašnjenje naglasio je da se mora insistirati na više nivoa vlasti da konkretno nešto urade kako bi se riješila nastala situacija zbog povećanog prisustva olova*), Dino Ahmedović (*kao član radne grupe za provedbu Akcionog plana upoznao je prisutne sa zaključcima radne grupe i izjavio da je Općina Vareš uradila sve što je u njenoj nadležnosti i da nadležni u kantonu i Federaciji trebaju hitno poduzeti konkretne radnje kako bi se riješila trenutna situacija u općini Vareš*), sanitarni inspektor Velida Džafo (*odgovorila je vijećniku Dodik Dariu vezano za dalje analize zemljišta da je Općina uputila zahtjev Vladi FBiH za odobrenje besplatnog monitoringa za period od tri godine i to je odobreno, čeka se još odobrenje od Vlade ZDK, upućen je zahtjev i za monitoring za poljoprivredne proizvode i taj se odgovor čeka*), Nikola Šimić (*skrenuo je pažnju da u MZ Borovica nije ni jedan uzorak tla, vode i sl. uzet za analizu, kao ni u MZ Dragovići/Mijakovići gdje se nalazi transportni put*), Dario Dodik (*sugerisao je da se*

informacije koje se odnose na stanovništvo općine Vareš objavljuju na web stranici Općine i putem radio Bobovca a ne samo preko predsjednika mjesnih zajednica), Zdravko Barkić (predložio je da se u svim mjesnim zajednicama izvrši uzorkovanje tla i voda kako bi imali cjelovitu sliku stanja na kompletnoj općini Vareš, mišljenja je da treba vršiti pritisak na kompaniju DPMetals da svakodnevno vrše pranje puteva na kojima prometuju, postavio je pitanje šta Vijeće treba poduzeti ako viši nivoi vlasti ne poduzmu određene mjere), Semir Memić (smatra da treba tražiti od viših nivoa vlasti da se izvrši testiranje stanovništva drugih gradova i općina, uz pojašnjenje izjavio je da se treba suprotstaviti širenju lažnih informacija i panike među građanima) i sanitarni inspektor Velida Džafo (ponovila je da Općina Vareš planira raditi prošireno uzorkovanje i da se čeka odobrenje od kantonalne Vlade i Federalnog zavoda za agropedologiju gdje će se uraditi kompletna analiza zemljišta na području općine Vareš za period od tri godine, izjavila je da se mogu dostaviti prijedlozi za uzorkovanje vode i tla i njihove lokacije).

Zaključena je rasprava i predsjedavajući OV stavio je na raspravu prijedlog Zaključka predloženog od vijećnika Daria Dodik.

Nije bilo rasprave i predsjedavajući OV konstatuje da je **sa 18 glasova "ZA"** (odsutan vijećnik Šaban Ibrišimović) **usvojen sljedeći**

Zaključak:

- 1. Općinsko vijeće Vareš prima k znanju Informaciju o poduzetim aktivnostima u vezi povećane koncentracije olova u krvi stanovništva općine Vareš.**
- 2. Općinsko vijeće Vareš ZAHTIJEVA od Vlade Federacije Bosne i Hercegovine i Vlade Zeničko-dobojskog kantona da u Ekspertske multidisciplinarni tim za rješavanje problema zdravstvene situacije građana općine Vareš uključi i eksperte iz Europske unije ili susjednih država, odnosno instituta koji imaju iskustva u ovakvim situacijama, kako bi se u što kraćem roku došlo do konkretnih rezultata i neophodnih mjera.**
- 3. Da se JU „Dom zdravlja“ Vareš opremi neophodnim materijalnim sredstvima i neophodnim stručnim osobljem, kako bi se testiranja mogla vršiti u Domu zdravlja Vareš, a posebno da se angažuje toksikolog najmanje dva dana sedmično.**
- 4. Da se svim građanima općine Vareš koji se žele testirati na prisustvo olova u krvi, omogući besplatno testiranje i da se omogući šire testiranje zemljišta kao i konstantan monitoring kvalitete zraka uz javnu objavu rezultata.**
- 5. Ovaj zaključak stupa na snagu danom donošenja.**

Ad.2.

Periodični izvještaj/izvješće o stanju duga Općine Vareš za razdoblje januar/siječanj – mart/ožujak 2026. godine.

Komisija za privredu, finansije i budžet na 7. sjednici održanoj 24.04. 2026. godine jednoglasno je donijela sjedeći Zaključak:

- Komisija prihvata Periodični izvještaj/izvješće o stanju duga Općine Vareš za razdoblje januar/siječanj–mart/ožujak 2026. godine i upućuje ga Vijeću na razmatranje.

Izjavitelj nije imao dodatno objašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Periodični izvještaj/izvješće o stanju duga Općine Vareš za razdoblje januar/siječanj–mart/ožujak 2026. godine.

Nakon izjašnjavanja vijećnika predsjedavajući OV konstatuje da je **sa 18 glasova “ZA”** (odsutan vijećnik Šaban Ibrišimović) **usvojen**

Periodični izvještaj/izvješće o stanju duga Općine Vareš za razdoblje januar/siječanj – mart/ožujak 2026. godine.

Ad.3.

**Izvještaj/Izvješće o izvršenju Budžeta/Proračuna Općine Vareš
za period 01. 01. 2026.–31. 03. 2026. godine
(Pregled prihoda, primitaka i finansiranja po ekonomskim kategorijama).**

Komisija za privredu, finansije i budžet na 7. sjednici održanoj 24.04. 2026. godine jednoglasno je donijela sljedeći Zaključak:

- Komisija prihvata Izvještaj/Izvješće o izvršenju Budžeta/Proračuna Općine Vareš za period 01.01. 2026.–31.03. 2026. godine (Pregled prihoda, primitaka i finansiranja po ekonomskim kategorijama) i upućuje ga Vijeću na razmatranje.

Izjavitelj Stela Terzić dala je dodatno pojašnjenje za ovu tačku dnevnog reda.

Otvorena je rasprava u kojoj su učestvovali: Zdravko Barkić (*uz pojašnjenje izjavio da će biti suzdržan kod izjašnjavanja po ovoj tački dnevnog reda, traži pojašnjenje zbog čega nije došlo do uštede a došlo je do smanjenja od pet zaposlenih i da li još uvijek ima radnika koji su zaposleni na Ugovor o djelu, postavio je pitanje u vezi delegiranja predstavnika lokalne zajednice u Komisiju za pripremu koncesionog Ugovora*), Nermin Hrvat (*pohvalio je dosadašnji rad Načelnika i poštivanje Odluke o izvršenju budžeta*), Dario Dodik (*sugerisao je da se sredstva planirana u budžetu za gradsku higijenu u cijelosti utroše za tu svrhu, izjavio je da će biti suzdržan kod izjašnjavanja po ovoj tački dnevnog reda*), predsjedavajući OV Igor Šimić (*uz pojašnjenje izjavio je da će Klub vijećnika HDS podržati ovu tačku dnevnog reda*), Šaban Ibrišimović (*uz pojašnjenje izjavio je da će Klub vijećnika NES podržati ovu tačku dnevnog reda*), Načelnik Malik Rizvanović (*u svom obraćanju upoznao je Vijeće da je planiran sastanak sa JKP d.o.o. Vareš u vezi plana održavanja gradske čistoće, dao je odgovor da zbog povećanja osnovice za obračun plaća nije došlo do smanjenja sredstava za plaće iako je smanjen broj radnika, izvijestio je prisutne da je u nezvaničnom razgovoru sa ministrom za privredu u vezi prijedloga da vijećnik Zdravko Barkić bude predstavnik lokalne zajednice u radnoj grupi za pripremu koncesionog ugovora dobio informaciju da vijećnik ne može biti u radnoj grupi zbog sukoba interesa, nadležno ministarstvo će raspisati javni poziv za dva člana radne grupe na koji se mogu prijaviti građani općine Vareš koji budu ispunjavali uslove*), Zdravko Barkić (*replika*), Načelnik Malik Rizvanović (*izjavio je da ako postoji zakonska osnova da vijećnik može biti u radnoj grupi onda će insistirati da to bude vijećnik Zdravko Barkić, a ako ne postoji onda da to bude neko iz Vareša ko će zastupati naše interese*), Nikola Šimić (*uz pojašnjenje izjavio je da će Klub vijećnika HDZ podržati ovu tačku dnevnog reda*) i zamjenica predsjedavajućeg Amela Mešić (*izjavila je da će Klub vijećnika NiP podržati ovu tačku dnevnog reda*).

Zaključena je rasprava i predsjedavajući OV stavio je na izjašnjavanje Izvještaj/Izvješće o izvršenju Budžeta/Proračuna Općine Vareš za period 01. 01. 2026.–31. 03. 2026. godine (Pregled prihoda, primitaka i finansiranja po ekonomskim kategorijama).

Nakon izjašnjavanja vijećnika predsjedavajući OV konstatuje da je **sa 16 glasova „ZA” i 3 „SUZDRŽANA” glasa usvojen**

***Izvještaj/Izvješće o izvršenju Budžeta/Proračuna Općine Vareš
za period 01. 01. 2026.–31. 03. 2026. godine
(Pregled prihoda, primitaka i finansiranja po ekonomskim kategorijama).***

Predsjedavajući OV dao je pauzu u trajanju od 20 minuta kako bi Komisija za izbor i imenovanja održala sjednicu na kojoj će razmatrati Prijedlog Rješenja o imenovanju vršioca dužnosti člana Skupštine Javnog preduzeća „Vareš-stan“ d.o.o. Vareš.

Nastavljeno je sa radom sjednice.

Ad.4.

**(Prijedlog Rješenja o imenovanju vršioca dužnosti člana
Skupštine Javnog preduzeća „Vareš-stan“ d.o.o. Vareš)**

Komisija za izbor i imenovanja na 7. sjednici održanoj 28.04. 2026. godine jednoglasno je donijela sljedeće Zaključke:

- Komisija prihvata Prijedlog Rješenja o imenovanju vršioca dužnosti člana Skupštine Javnog preduzeća „Vareš-stan“ d.o.o. Vareš bez primjedbi i isti upućuje Vijeću na razmatranje i usvajanje.
- Komisija predlaže Općinskom načelniku da pristupi izmjeni Odluke o utvrđivanju standarda i kriterija za izbor u regulirane organe, u dijelu koji se odnosi na uslove po pitanju stručne spreme u skupštinama javnih preduzeća, na način da se uz VSS doda SSS, tamo gdje postoji mogućnost, kako bi se olakšao izbor članova skupština javnih preduzeća.

Nazif Hajrić, predsjednik Komisije upoznao je Vijeće sa stavom Komisije i dao je pojašnjenje u vezi Zaključka koji se odnosi na potrebu izmjena Odluke o utvrđivanju standarda i kriterija za izbor u regulirane organe.

Otvorena je rasprava u kojoj je vijećnik Igor Hinger skrenuo pažnju da prioritet bude kandidat sa VSS.

Nije više bilo učesnika u raspravi i predsjedavajući OV stavio je na izjašnjavanje Prijedlog Rješenja o imenovanju vršioca dužnosti člana Skupštine Javnog preduzeća „Vareš-stan“ d.o.o. Vareš.

Nakon izjašnjavanja vijećnika predsjedavajući OV konstatuje da je **sa 19 glasova „ZA” usvojeno**

***Rješenje o imenovanju vršioca dužnosti člana
Skupštine Javnog preduzeća „Vareš-stan“ d.o.o. Vareš.***

***Ad.5.
(Prijedlog Odluke o otpisu potraživanja)***

Komisija za privredu, finansije i budžet na 7. sjednici održanoj 24.04. 2026. godine jednoglasno je donijela sjedeći Zaključak:

- Komisija prihvata Prijedlog Odluke o otpisu potraživanja i upućuje ga Vijeću na razmatranje.

Komisija za statutarna pitanja i propise na 13. sjednici održanoj 23.04. 2026. godine jednoglasno je donijela sljedeći Zaključak:

- Da se u preambuli Prijedloga Odluke o otpisu potraživanja u drugom redu, poslije broja: 49/06 dodaje broj: „51/09“, te da se u sedmom redu brišu riječi „članka 95. Poslovnika o radu Općinskog vijeća Vareš (Novi prečišćeni tekst, broj: 01-132/20 od 19.10. 2020. godine, broj: 01-170/21 od 30.10. 2021. godine i broj: 01-91/23 od 30.03. 2023. godine“, te se isti upućuje Vijeću na razmatranje.

Izjavitelj Stela Terzić dala je dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik uz pojašnjenje sugerisao da nadležni blagovremeno podnose tužbe kako ne bi došlo do zastare potraživanja.

Nije više bilo učesnika u raspravi i predsjedavajući OV stavio je na izjašnjavanje Prijedlog Odluke o otpisu potraživanja uz Zaključke Komisije.

Nakon izjašnjavanja vijećnika predsjedavajući OV konstatuje da je sa 19 glasova „ZA“ usvojena

Odluka o otpisu potraživanja.

***Ad.6.
(Prijedlog Odluke o otpisu obaveza)***

Komisija za privredu, finansije i budžet na 7. sjednici održanoj 24.04. 2026. godine jednoglasno je donijela sjedeći Zaključak:

- Komisija prihvata Prijedlog Odluke o otpisu obaveza i upućuje ga Vijeću na razmatranje.

Komisija za statutarna pitanja i propise na 13. sjednici održanoj 23.04. 2026. godine jednoglasno je donijela sljedeći Zaključak:

- Da se u preambuli Prijedloga Odluke o otpisu obaveza u drugom redu, poslije broja: 49/06 dodaje broj: „51/09“, te da se u sedmom redu brišu riječi „članka 95. Poslovnika o radu Općinskog vijeća Vareš (Novi prečišćeni tekst, broj: 01-132/20 od 19.10. 2020.

godine, broj: 01-170/21 od 30.10. 2021. godine i broj: 01-91/23 od 30.03. 2023. godine“, te se isti upućuje Vijeću na razmatranje.

Izjavitelj Stela Terzić dala je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Nikola Šimić (*postavio je pitanje da li se otpis može odnositi na sve ljude koji nisu platili neku naknadu*), Zdravko Barkić (*uz pojašnjenje sugerisao je da nadležna služba provjeri sva potraživanja i da u narednom periodu podnese izvještaj Vijeću koja su to potraživanja koja se mogu otpisati i bez sudske odluke*) i Stela Terzić (*dala je pojašnjenje da računovodstvo nema ovlasti da donese odluku kada je nešto za zastaru, sva potraživanja dostavljena su općinskom pravobranilaštvu na dalje postupanje, obaveze se mogu otpisati samo u slučaju kada se ima potvrda da nas drugo pravno lice ne tereti za te obaveze ili u slučaju tužbe a nastupila je zastara potraživanja*).

Zaključena je rasprava i predsjedavajući OV stavio je na izjašnjavanje Prijedlog Odluke o otpisu obaveza uz Zaključak Komisije.

Nakon izjašnjavanja vijećnika predsjedavajući OV konstatuje da je **sa 19 glasova “ZA” usvojena**

Odluka o otpisu obaveza.

Ad. 7.

(Prijedlog Odluke o načinu i uslovima raspolaganja nekretninama u vlasništvu Općine Vareš.

Komisija za statutarna pitanja i propise na 13. sjednici održanoj 23.04. 2026. godine jednoglasno je donijela sljedeći Zaključak:

- Da se u preambuli Prijedloga Odluke o načinu i uslovima raspolaganja nekretninama u vlasništvu Općine Vareš u šestom redu, poslije interpunkcijskog znaka „ , “ dodaju riječi: „na prijedlog Općinskog načelnika“, te se isti upućuje Vijeću na razmatranje.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš uz Zaključak Komisije.

Nakon izjašnjavanja vijećnika, predsjedavajući OV konstatuje da je **sa 19 glasova “ZA” usvojena**

Odluka o načinu i uslovima raspolaganja nekretninama u vlasništvu Općine Vareš.

Ad. 8.

(Prijedlog Odluke o komunalnim taksama)

Komisija za statutarna pitanja i propise na 13. sjednici održanoj 23.04. 2026. godine jednoglasno je donijela sljedeći Zaključak:

- Da se u preambuli Prijedloga Odluke o komunalnim taksama u drugom redu poslije riječi „BiH“ dodaju brojevi „49/06 i 51/09“, te da se u trećem redu poslije broja: „94/15“ doda broj: „17/22“.

Da se u članu 1. Prijedloga Odluke o komunalnim taksama u četvrtom redu, poslije riječi „Odluke“ dodaju riječi „zone područja općine Vareš“.

U ANEKSU I – ZONE PODRUČJA OPĆINE VAREŠ, poslije funkcije i imena i prezimena predsjedavajućeg Općinskog vijeća dodati slijedeći tekst „Odluka objavljena na oglasnoj tabli Općine Vareš, dana __. __. 2026. godine“ a poslije teksta dodati funkciju i ime i prezime Općinskog načelnika, te se isti upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*uz pojašnjenje zamolio je izjavitelca da zbog javnosti da pojašnjenje i upozna da se radi samo o uvođenju takse za kladionice*), izvjestilac Salih Memić (*upoznao je javnost da je na osnovu podnesene Inicijative vijećnika Hrvat Nermina urađen Prijedlog Odluke o komunalnim taksama koji se isključivo odnosi na priređivače igara na sreću*) i Nermin Hrvat (*zahvalio se radnoj grupi koja je izradila Prijedlog Odluke*).

Zaključena je rasprava i predsjedavajući OV stavio je na izjašnjavanje Prijedlog Odluke o komunalnim taksama uz Zaključak Komisije.

Nakon izjašnjavanja vijećnika predsjedavajući OV konstatuje da je **sa 19 glasova „ZA“ usvojena**

Odluka o komunalnim taksama.

Ad. 9.

(Program poticaja u poljoprivrednoj proizvodnji utvrđenih Budžetom Općine Vareš za 2026. godinu)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*postavio je pitanje da li općinske službe koje prate javni poziv iste prosljeđuju našim poljoprivrednicima*), Dino Ahmedović (*pohvalio je namjeru Općine u poticaju poljoprivrednika i također skrenuo pažnju na potrebu upoznavanja registrovanih poljoprivrednika sa javnim pozivima za subvencioniranje*), Šaban Ibrišimović (*uz pojašnjenje predložio je da se u Programu izvrši izmjena u smislu da poljoprivrednici koji se bave pčelarstvom i imaju 3 i više košnica mogu ostvariti subvencioniranje*), Dario Dodik (*izjavio je da podržava prijedlog vijećnika Ibrišimović Šabana i uz pojašnjenje predložio da se visina subvencioniranja po košnici sa 13 KM poveća na veći iznos*), Zdravko Barkić (*izjavio je da podržava povećanje iznosa za pčelare i smatra da se treba povećati iznos i ostalim poljoprivrednicima ali za to je potrebno osigurati dodatna sredstva kroz rebalans*) i izvjestilac Dragan Orozović (*dao je odgovor da nadležna Služba kontaktira poljoprivrednike i upozna ih o javnim pozivima na koje mogu aplicirati, izjavio je da podržava prijedlog vijećnika Ibrišimović Šabana, upoznao je Vijeće da poljoprivrednici koji se bave pčelarstvom i imaju do 20 košnica mogu ostvariti samo općinski poticaj a oni koji imaju preko 20 košnica mogu ostvariti i Federalni i Kantonalni poticaj*).

Zaključena je rasprava i predsjedavajući OV stavio je na izjašnjavanje sljedeći

Zaključak:

- 6. PRIHVATA se Program poticaja u poljoprivrednoj proizvodnji utvrđenih Budžetom Općine Vareš za 2026. godinu broj: 02-572/26 od 16.04. 2026. godine, sa usvojenom izmjenom u poglavlju broj 9. Podrška za držanje pčelinjih društava: „koji u držanju imaju najmanje 3 košnice pčela“.**
- 7. Program poticaja u poljoprivrednoj proizvodnji utvrđenih Budžetom Općine Vareš za 2026. godinu broj: 02-572/26 od 16.04. 2026. godine iz tačke 1. čini sastavni dio ovog Zaključka.**
- 8. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajući OV konstatuje da je **sa 19 glasova „ZA“ usvojen predloženi Zaključak.**

Ad. 10.

(Izveštaj o radu i poslovanju JKP d.o.o. Vareš za 2025. godinu)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Igor Hinger (*nije zadovoljan radom preduzeća koji se odnosi na gradsku čistoću i uz pojašnjenje izjavio je da neće podržati ovu tačku dnevnog reda*), Dario Dodik (*skrenuo je pažnju na gradsku čistoću, izjavio da neće podržati ovu tačku dnevnog reda, uz pojašnjenje da se na deponiju dovozio određeni otpad sa rudnika postavio je pitanje ko odlučuje i kako se otpad dovozi na deponiju, postavio je i pitanja da li je istina da pojedine firme iz Sarajeva dovoze otpad i kakav je to otpad, da li ima urađen projekat za izmjenu cijevi u gradskom vodovodu*), Semir Memić (*postavio je pitanje da li je preduzeće izvršilo nabavku mašine za čišćenje ulica i trotoara, izjavio je da će Klub vijećnika NiP podržati svaki pozitivni izvještaj*), Zdravko Barkić (*izjavio je da će podržati ovu tačku dnevnog reda, uz pojašnjenje sugerisao je da uz finansijsku pomoć Općine Vareš osiguraju se dva radnika za svakodnevno održavanje gradske čistoće*), Nermin Hrvat (*podsjetio je na svoje pitanje od prošle godine koje se odnosi na angažovanje dva zaposlenika na održavanju gradske čistoće u Varešu i Vareš Majdanu i ponovo je postavio pitanje da li će ove godine biti angažovani*), Andrej Malbašić (*upoznao je prisutne da je MZ Vareš uputila Općini dopis sa zahtjevima za hitnu intervenciju održavanja gradske higijene*) i predsjedavajući OV Igor Šimić (*izjavio je da će Klub vijećnika HDS podržati izvještaj zbog pozitivnog poslovanja ali da se ubuduće povede računa o gradskoj higijeni*).

Direktor Zafer Kamenjaš u svom obraćanju izjavio je da prihvata sve kritike ali da su određeni dugogodišnji problemi trebali biti riješeni od strane Općine, nadležnih službi Općinskog vijeća i na kraju od strane preduzeća. Podsjetio je da je u proteklom periodu trebala biti zakazana tematska sjednica OV na kojoj bi se razmatrali problemi preduzeća i eventualna rješenja istih. Upoznao je prisutne da su u protekle dvije godine inspekcije i nadležni organi sa federalnog i kantonalnog nivoa izvršili uvid u rad i poslovanje preduzeća i nisu našli nikakve nepravilnosti niti su imali primjedbi, date su upute za sprovođenje određenih mjera u skladu sa pravilnicima. Trenutno je u toku proces po pitanju prijave nevladinih organizacija, nadležni inspekcijski organi su obišli teren i uzeli uzorke, nakon okončanja procesa Vijeće će biti upoznato sa nalazom inspekcije. Dao je pojašnjenje u vezi rada deponije Kota i odlaganja otpada. Skrenuo je pažnju na određene projekte, zakonske procedure za rješavanje statusa deponije, sugerisao je da se oformi stručna komisija.

U daljnjoj raspravi su učestvovali vijećnici: Nikola Šimić (*uz pojašnjenje izjavio je da će podržati ovu tačku dnevnog reda, zamolio je predsjedavajućeg OV da u narednom periodu zakaže tematsku sjednicu na kojoj bi se razmotrila problematika otpada, gradske higijene, vodovoda i svega ostalog na čemu radi JKP a prije zakazivanja da se oformi radna grupa koja bi pripremila materijal za sjednicu*), Igor Hinger (replika), Semir Memić (replika), Dario Dodik (replika), predsjedavajući OV Igor Šimić, Zdravko Barkić i direktor Zafer Kamenjaš.

Zaključena je rasprava i predsjedavajući OV stavio je na izjašnjavanje Izvještaj o radu i poslovanju JKP d.o.o. Vareš za 2025. godinu.

Nakon izjašnjavanja vijećnika predsjedavajući OV konstatuje da je **sa 15 glasova „ZA“, 1 glasom „PROTIV“ i 3 „SUZDRŽANA“ glasa usvojen**

***Izvještaj o radu i poslovanju
JKP d.o.o. Vareš za 2025. godinu.***

Predsjedavajući OV na osnovu diskusije i iznesenih prijedloga u raspravi predložio je i stavio na izjašnjavanje sljedeći

Zaključak:

- **Zadužuju se Općinski načelnik i nadležna općinska služba da sa direktorom JKP d.o.o. Vareš, održe sastanak na kojem će se razgovarati o aktuelnim problemima u preduzeću i iznalaženju rješenja za iste, te planovima za naredni period s posebnim akcentom na kapitalne investicije iz nadležnosti JKP d.o.o. Vareš.**

Nakon izjašnjavanja vijećnika predsjedavajući OV konstatuje da je **sa 19 glasova „ZA“ usvojen predloženi Zaključak.**

Ad. 11.

(Informacija o ostvarenoj saradnji i realizovanim projektima NVO sektora s područja općine Vareš s posebnim osvrtom na rad udruženja iz oblasti kulture i sporta)

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovali vijećnici Zdravko Barkić (*pohvalio je rad nevladinih udruženja koja su aktivna u mjesnim zajednicama i gradu, skrenuo je pažnju na iznos sredstava koja su dobila udruženjima iz budžeta i iznos sredstava koja je dobila JU Centar za kulturu i edukaciju Vareš, uz pojašnjenje apelovao je na Izvršnu vlast da preispita broj zaposlenih u ustanovi*) i Semir Memić (*uz pojašnjenje naglasio je da se treba izdvajati veći iznos sredstava za mlade i sport*).

Nije više bilo učesnika u raspravi i predsjedavajući OV konstatuje da je **Vijeće primilo k znanju**

Informaciju o ostvarenoj saradnji i realizovanim projektima NVO sektora s područja općine Vareš s posebnim osvrtom na rad udruženja iz oblasti kulture i sporta.

***Ad.12.
(Tekuća pitanja)***

Predsjedavajući OV upoznao je Vijeće sa tekućom poštom i to:

1. Zahtjev za hitnu intervenciju u vezi s održavanjem gradske higijene broj: MZVA-16/26 od 14.04. 2026. godine dostavljen od MZ Vareš.
Nije bilo rasprave i predsjedavajući je konstatovao da se već odgovorilo na pitanja u Zahtjevu prilikom izlaganja direktora JKP d.o.o. Vareš i da je Vijeće primilo k znaju Zahtjev MZ Vareš.
2. Reagovanje povodom dopisa Općinskom vijeću od strane predsjednika MZ Dragovići – Mijakovići, a u vezi zimskog održavanja lokalnih puteva, broj: 6-04/26 od 06.04. 2026. godine, od strane Sindikata radnika JKP d.o.o.
Vijećnik Šaban Ibrišimović iznio je svoje nezadovoljstvo postupanjem radnika JKP d.o.o. Vareš prilikom čišćenja snijega na pojedinim dionicama u MZ Dragovići, konstatujući da je to stanovništvo treće starosne dobi i da je porazno da su oni lopatama čistili snijeg na dužini cca 700 m, ujedno je i pohvalio mještane za odrađeni posao. Smatra da radnici JKP d.o.o. Vareš traže razna opravdanja, neopravdano i da nisu u pravu.
Predsjedavajući OV izjavio je da se nada će u narednoj sezoni doći do rješenja za sve probleme za dobrobit svih stanovnika na području općine Vareš.
3. Vijećnik Igor Hinger traži informaciju od općinskog načelnika o dosadašnjim aktivnostima koje su vezane za ured zaštićenog područja planine Zvijezde.
Općinski načelnik Malik Rizvanović iznio je tražene informacije gdje je naglasio da je u toku formiranje sjedišta kao i izrada ostalih akata koji su vezani za osnivanje.
4. Predsjedavajući OV Igor Šimić iznio je upit MZ Vareš koji se odnosi na brzinu kretanja teških kamiona koji prometuju kroz grad. Traži da se uputi dopis PS Vareš da pojačaju nadzor i kontrolu nad istim. Općinski načelnik Malik Rizvanović konstatovao je da organ uprave nema nadležnost i ne može zabraniti kretanje jer nemaju alternativni put kojim mogu voziti, nadležnost je isključivo od PS Vareš.
5. Predsjedavajući OV Igor Šimić predložio je da se ispred Vijeća pošalje upit nadležnom Ministarstvu da nam navedu razloge zašto vijećnik Zdravko Barkić ne može biti član Komisije za izmjenu cijene koncesije, kada je istog Vijeće iniciralo i predložilo u Komisiju.
Općinski načelnik Malik Rizvanović smatra da treba poslati Urgenciji nadležnom Ministarstvu, jer nisu dostavili odgovor na dopis koji im je upućen prije mjesec dana.

Predsjedavajući OV Igor Šimić uputio je čestitke svim građanima općine Vareš kao i svim građanima BiH povodom 1. maja Međunarodnog praznika rada.

Sjednica je završena u 16.05 sati.

Sastavni dio ovog Zapisnika je audio zapis 15. sjednice OV Vareš.

**SEKRETAR
OPĆINSKOG VIJEĆA**

Mersad Đido



**PREDSJEDAVAJUĆI
OPĆINSKOG VIJEĆA**

Igor Šimić